



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.


I. *Problematis Kepleriani, de inveni-
niendo vero Motu Planetarum, areas
tempori proportionales in Orbibus
Ellipticis circa Focorum alterum de-
scribentium, Solutio Newtoniana ; à
D. J. Keill, Astr. Prof. Savil. Oxon.
& R. S. S. demonstrata & exemplis
illustrata.*

KEPLERUS primus demonstravit, Planetas non in Orbibus Circularibus, sed Ellipticis, deferri; Solemq; in Ellipseos focorum uno situm ea ratione circumire, ut Radius à Planeta ad Solis centrum protensus, semper verrat Areas Ellipticas, quæ temporibus quibus describuntur sunt proportionales.

Divinum hoc sagacissimi *Kepleri* Inventum, exactissimis *Tychonis Brahe* Observationibus debetur; & tanto magis est suspiciendum, quòd illius ope, Universale motuum leges, totiusq; Mundani Systematis Philosophiam felicissime patefecerit Dominus *Newtonus*.

Cum itaq; tali lege moveantur circa Solem Planetæ, quo ipsorum loca in proprijs Orbitis ad datum tempus determinentur, necesse est ut solvetur Problema quod sequitur.

Invenire Positionem rectæ, quæ per datæ Ellipseos focum alterutrum transiens, abscindat Aream motu suo descriptam, quæ sit ad Aream totius Ellipseos in ratione data.



Sit nempe Ellipsis APB , cujus focus alteruter S . Invenienda est positio rectæ SP , quæ abscindat Aream trilineam ASP , ad quam Area totius Ellipseos eandem rationem habet, quam tempus Periodicum Planetæ Ellipsim describentis, ad aliud tempus datum; quâ inventâ dabitur punctum P ubi planeta ad tempus illud datum versatur. Vel sit AQB semicirculus supra Ellipseos axem majorem descriptus, ducenda est per S recta SQ

abscindens Aream ASQ , ad quam Area totius circuli est in eadem ratione: si enim ex Q demittatur in Axem perpendicularis QH , Ellipsi occurrens in P , ducta SP dabit Aream Ellipticam quæsitam; & punctum P erit locus Planetæ ad datum tempus. Est enim semisegmentum Ellipticum APH ad semisegmentum circulare AQH , ut HP ad HQ , hoc est, ut area totius Ellipseos ad aream totius Circuli; sed est triangulum SPH ad triangulum SQH in eadem ratione PH ad QH : Adeoq; Area ASP est ad Aream totius Ellipseos, ut area ASQ ad aream totius Circuli. Unde si habeatur methodus secandi in datâ ratione Aream circuli, rectâ ductâ per datum punctum S , facile erit hac ipsa ratione secare Aream Ellipticam.

Ipsi *Keplero*, qui primus Problema proposuit, nulla innotuit Methodus directa computandi locum Planetæ ex dato tempore ; sed illi necesse fuit, per singulos gradus semicirculi *A Q B* progrediendo, ex dato arcu *A Q*, quam vocat Anomaliâ Excentri, tam tempus per aream *A S Q*, quæ Anomaliæ mediæ est proportionalis, quam angulum *A S P*, hoc est locum Planetæ, seu Anomaliâ coæquatam huic tempori respondentem, calculo eruere.

Cum itaq; difficilis fuit hujus Problematis solutio, Astronomi ad alias transiverant Hypotheses, fingendo punctum aliquod circa quod motus foret æquabilis, seu tempori proportionalis, & exinde datâ Anomaliâ mediâ, coæquatam determinabant. Sed computus hisce hypothesebus innixus, observationibus non congruere deprehensus est : Itaq; Geometræ varias adhibuerunt approximationes, quibus ex datâ Areâ *A S Q* tempori Analogâ, angulus *A S P*, hoc est Planetæ locus, quam proxime elicatur. At horum omnium facillima, & ad Praxim maxime expedita, mihi videtur esse illa methodus quam tradit Dominus *Newtonus* in *Principiis*, pag. 111 & 112. Edit. 1ma. quæ fere similis est ei, qua ex æquationibus affectis extrahunt Radicem Analytæ ; & quidem tanto magis est æstimanda, quod non solum exhibeat Planetarum loca, quorum orbitæ ad Circuli formam proxime accedunt, sed eadem fere facilitate inservit etiam Cometis, qui in orbitis maxime excentricis moveantur.

Hanc itaque methodum in gratiam Artificum, qui Tabulas Astronomicas secundum veras motuum leges, & non ex fictis hypothesebus condere volunt, hic exponendam duxi.

Sit itaq; *A Q B* semicirculus supra Axem majorem Ellipseos descriptus, cujus centrum *C*, & focus in quo Sol locatur sit *S*. Ducatur *C Q*, in quam (si opus sit) productam cadat perpendicularis *S F*. Est Area *A S Q* = sectori *A C Q* + Triang. *C S Q* = $\frac{1}{2}$ *C Q* × *A Q* + $\frac{1}{2}$ *C Q* × *S F* ; adeoq; ob datam $\frac{1}{2}$ *C Q* erit Area *A S Q* semper

proportionalis arcui $AQ + \text{recta } SF$, cum scil. motus sit ab Aphelio versus Perihelium: at cum à Perihelio ad Aphelion tendit Planeta, ut in Figura quarta, sit Area $BSQ = \text{sectori } BCQ - \text{Triang. } CSQ$, adeoq; erit illa proportionalis arcui $BQ - \text{recta } SF$. Hinc si capiatur Arcus AN in Fig. 2. & 3. & BN in Fig. 4. temporibus proportionalis, erit $AQ + SF = AN$, & $BQ - SF = BN$: unde SF erit $= QN$, modo arcus AN vel BN sint proportionales temporibus quibus describuntur areæ ASQ vel BSQ . Ut vero inveniantur in gradibus eorumque partibus mensura arcûs in peripheria AQB , qui sit æqualis rectæ SF , Fiat ut CQ ad CS ita arcus graduum $57,29578$ (qui æqualis est CQ radio) ad arcum quartum, qui æqualis erit CS . Sit arcus ille B . Est autem CS ad SF ut Radius ad sinum anguli SCF vel ACQ . Fiat itaq; ut Radius ad sinum anguli ACQ vel arcûs AQ , ita arcus B ad alium D ; erit arcus ille D æqualis rectæ SF , adeoq; si, ad datum tempus, Area ASQ esset tempori proportionalis, esset Arcus $D = NQ$: & capiendo arcum $NP = D$, punctum P caderet in Q . Si vero Area ASQ non exacte tempori respondeat, punctum P cadet supra vel infra Q , prout Area ASQ major sit vel minor verâ Areâ quæ tempori respondeat. Sit ea ASq & in Cq cadat perpendicularis SH : erit per hæcenus demonstrata $SH = Nq$. At est $SF = NP$, unde erit $SH - SF$ vel $SF - SH$, hoc est fere $HE = qP = QP - Qq$ vel $= Qq - QP$: Et si angulus QCq sit parvus, erit $CH : CQ :: HE : Qq :: QP - Qq : Qq$, unde $CQ + CH : CQ :: QP : Qq$, cum arcus AQ est quadrante minor. At cum is est quadrante major, erit $CQ - CH : CQ :: QP : Qq$. Et similiter cum arcus BQ est quadrante minor, erit $CQ - CH : CQ :: QP : Qq$.

Si angulus ACQ vel BCQ parvus sit, h. e. si Planeta prope Apfides versetur, erit ut $CA \pm CS : CA :: QP : Qq$.

Fiat ut CS ad CQ ita Radius R ad longitudinem quamdam L, erit $CQ = \frac{CS \times L}{R}$. Est vero Radius ad cosinum anguli A C Q ut SC ad CF vel CH (sunt enim CH & CF fere æquales) quare erit $CH = \frac{SC \times \cos. ACQ}{R}$, adeoq; $QP : Qq :: \frac{CS \times L + CS \times \cos. ACQ}{R} : \frac{CS \times L}{R} :: L + \cos. ACQ : L$, cum arcus A Q sit quadrante minor. At si A Q sit quadrante major, erit $QP : Qq :: L - \cos. ACQ : L$.

Atque hac ratione si capiatur utcumq; arcus A Q, qui aliquantisper minor sit aut major vero, invenietur exinde arcus Qq huic addendus aut demendus, qui facit ut Area A S q sit quam proxime temporis proportionalis. Et si loco A Q capiatur arcus A q, & instituaturs processus priori similis, invenietur alius A q, qui similiter eundem repetendo processum dabit alium A q, atq; sic quantumvis proxime ad veritatem accedere licebit.

Invento angulo A C q, facile habebitur angulus A S q, cum in triang. q C S dentur latera C q & C S & angulus q C S. Dabitur exinde angulus C S q cujus tangens diminuendus est in ratione axis minoris Ellipseos ad majorem, ut tandem habeatur tangens anguli A S P. Vel sic forte facilius investigatur angulus A S P. Sit F numerus qui exprimit longitudinem CS in partibus qualium CQ est 100000 : a puncto q ad axem demittatur perpendicularis q r, qui erit sinus arcus dati A q, & erit C r ejusdem cosinus & S r = summæ vel differentiæ rectarum C r, CS, hoc est $Sr = F \pm \cos. ACq$; adeoq; in rectangulo triangulo r S q, datis S r, r q, invenietur angulus r S q. Hinc si in unam summam addantur sinus Log. ang. A C q, complementum Arithmeticum Logarithmi S r, & Logarithmus rationis axis minoris Ellipseos ad majorem dabitur Tangens anguli A S P.

Tanta autem est hujus methodi facilitas ut ea exemplis magis quam ulteriori explicatione indigeat; adeoque licebit eam in motibus Planetæ Martis experiri, in cujus orbita, secundum Tabulas *Carolinas*, Excentricitas est ad distantiam mediam ut 14100 ad 152369, adeoque Logarithmus arcus B, qui æqualis est rectæ SC, erit 0,7244451. Erit etiam in hoc exemplo L partium 1080631 qualium Radius est 100000: Inveniendus sit angulus ACQ cum motus medius, seu arcus tempori proportionalis ab Aphelio computatus, sit unius Gradus. Quoniam CS sit hic fere pars decima ipsius CA, pono Arcum AQ esse 0,9 grad. decima scilicet parte minorem motu medio. Addatur sinus Logarithmicus arcus AQ ad Log. B, & fit summa 8,9205471 = Log. numeri 0,083281 qui numerus exprimit arcum æqualem rectæ SF = NP. Et si arcus AQ esset recte assumptus, foret AN — NP = AQ, & QP = 0. At hic est QP = 0,016719, a quo si auferatur ejus pars undecima, cum AS superat AC undecima circiter ipsius parte, restabit Qq = 0,0152; qui additus ad AQ dat Aq = 0,9152, qui ne millesima gradus parte a vero Aq differt. Sit secundò Arcus AN seu motus medius = 2 gr. Pono AQ = 1,83 prioris Aq fere duplum, & ad ejus sinum Log. addatur Log. B: erit summa 9,2286997 = Log. numeri 0,16931, unde erit QP 0,00069; a quo si subducatur ejus pars undecima, fit Qq = 0,00063, & Aq = 1,83063, qui ne decies millesima gradus parte a vero Aq discrepat. Eodem modo sit motus medius seu arcus tempori proportionalis grad. 3. Fiat arcus AQ 2,745 = 1,83 + 0,915, & ad ejus sinum Log. addendo Log. B, habebitur Log. numeri 0,25392 = NP, & AN — NP = 2,74608, adeoque QP = 0,00108, unde Qq fere = 0,001 & Aq = 2,746. Sic unica duorum Logarithmorum additione invenietur arcus Aq, qui erit verus ad gradus partes millesimas.

Si jam non gradatim sed per saltum pergendo, inveniendus sit angulus ACq, cum motus medius est grad. 45. Pono arcum AQ esse graduum 40, & ad sinum ejus Logarith-

garithmicum addendo Log. B fit summa 0.5325125 = Log. numeri 3,4081; qui numerus à 45 subductus relinquit $AN - NP = 41,5919$, cujus excessus supra arcum A Q est 1,5919. Unde si fiat ut $L + \cos. ACQ$ ad L ita 1,5919 ad alium, invenietur arcus Qq esse graduum 1.4865, adeoq; $Aq = 41,4865$, qui non multum supra millesimam gradus partem à vero differt. Verum absq; hac proportionem inveniri potest Aq, capiendò novum arcum A Q, qui sit aliquantulum minor quam $AN - NP$, eidem tamen fere æqualis; scil. sit $AQ = 41.50$, & addendo Log. datum B ad ejus sinum Log. habebitur alter $NP = 3.35131$, qui ab AN subductus dat 41,4869 pro novo Aq: & hic arcus minore labore eruitur, & aliquanto propius ad verum accedit quam prior A q.

Post inventum A q correspondentem motui medio 45°, rursus gradatim pergendo, unica duorum Logarithmorum additione, habebitur A q, ad omnes motus medij gradus subsequentes. Nempe cum motus medius sit grad. 46, pono $AQ = 42,40$. & addendo ejus sinum Log. ad constantem B, fiet $AN - NP = 42,4249$; cui arcui si novus AQ æqualis ponatur, habebitur A q, qui ne millesima gradus parte à vero A q discrepabit. Sic cum motus medius sit 47°, pono $AQ = 43,36 =$ priori A q + incremento istius arcus pro uno gradu motus medij, & addendo ejus sinum Log. ad Log. B, fit summa = Log. numeri 3,6402, qui ab AN subductus relinquit $AN - NP = 43,3598 =$ novo A q, qui circiter gradus parte decies millesima à vero A q discrepat.

Si omisiss gradibus intermedijs inveniendus esset arcus A q, cum motus medius sit gr. 100. Pono A Q grad. 96, & addendo ejus sinum Log. ad Log. B, fit summa = Log. numeri 5,273 unde, $AN - NP = 94,727$. Itaque pono secundo $AQ = 94,72$ & addendo ejus sinum ad Log. B, habebitur Log. numeri 5,285, qui ab AN subductus dat $AN - NP = 94,715 = Aq$ quamproxime. Similiter si motus medius sit grad. 101, pono A Q esse 95,71,

cujus sinus Log. ad Log. B additus dat Log. numeri 3,2756; quo numero ab 101 sublato, restabit $AN - NP = 95,7244 = Aq$. Atq; hac ratione, dato motu medio, si gradatim fiat processus, habebitur angulus ad centrum per unicam tantum duorum Logarithmorum additionem; quorum unus, qui constans est, in charta seorsim servandus, quo labori sæpius eundem exscribendi parcatur.

Transeamus jam ad Orbitam alterius speciei, talem nempe ut distantia Aphelij sit ad distantiam Perihelij ut 70 ad 1; qualis fere est istius Cometæ Orbita quem Periodum suam annis $75\frac{1}{2}$ complere primus deprehendit Sagacissimus Astronomus & Geometra D. *Edmundus Halleius*, Geometriæ Professor *Savilianus*. In hac Orbita erit AC vel CQ partium 35,5, & CS 34,5 qualium SB est una. Et inveniendus est arcus Bq, cum motus medius est gradus pars centesima. Quoniam media distantia trigesies & quinques circiter superat distantiam minimam, pono BQ = 0,35, cum motus medius est 0,01. In hac Orbita invenitur constans Log. B = 1.7457133. Hic itaq; Log. ad finem Log. arcus 0,35 additus dat Log. numeri 0,34013, qui ad arcum 0,01 additus erit = 0,35013. Si hac summa esset æqualis 0,35, arcus BQ esset recte assumptus: sed differentia est 0,00013. Unde quoniam CB est ad SB ut 35,5 ad 1, multiplicetur differentia 0,00013 per 35,5, & prodibit Qq = 0,004615; unde erit arcus Bq = 0,354615, qui vix per partes tres decies-millesimas a vero discrepat.

Sit secundo motus medius 0,02, & ponatur BQ esse 0,71. Ad ejus sinum Log. addendo Log. B, fit summa = Log. numeri 0,68998, unde $BN + NP = 0,70998$, adeoq; arcus assumptus BQ = 0,71 nimis fuit: & est differentia = 0,00002, quæ si per 35,5 multiplicetur & productus a BQ subducatur, restabit Bq = 0,7092, vix gradus parte decies-millesima à vero aberrans.

Sit motus medius 0,03. Ponatur BQ esse 1,06: addendo ejus Log. sin. ad Log. B, fit summa = Log. numeri 1,03008,

cui si addatur $BN = 0,03$, fit summa $1,06008$, qui numerus major est quam BQ ; quare si differentia $0,00008$ per $35,5$ multiplicetur & ad BQ addatur, erit $Bq = 1,06284$. Similiter cum motus medius sit $0,04$, pono $BQ = 1,40$ & invenio $NP = 1,3604$; ad quem numerum addendo $BN = 0,04$ fit summa $= 1,4004$ qui superat $1,40$ per $0,0004$. Multiplicetur hæc differentia per $35,5$ & productus $0,01420$ erit æqualis Qq , unde $Bq = 1,41420$. In hisce omnibus errores sunt admodum exigui, & raro millesimam gradus partem transcurrentes.

Inveniendus sit jam arcus Bq , cum motus medius sit æqualis uni gradui. Pono $BQ = 20^\circ$, & addendo ejus sinum Log. ad Log. B , habebitur Log. numeri $19,045$; cui addendo $BN = 1^\circ$, summa $20,045$ superat 20 per $,045$: Et cum in hoc casu $L - \cos BQ$ est ad L ut 1 ad $11,5$ fere, multiplico differentiam $,045$ per $11,5$, & productus $,5175$ ad BQ additus facit $20,5175$. Pono igitur secundo $BQ = 20,51$, & prodibit, similiter ut in præcedentibus, $NP = 19,5092$; cui addendo BN fit summa $20,5092$, quæ minor est quam BQ : unde si differentia $0,0008$ multiplicetur per $11,5$, & productus $0,0092$ subtrahatur a BQ , restabit $Bq = 20,5008$.

Sit deniq; motus medius æqualis duobus grad. Pono BQ grad. 30 , & invenitur $NP = 27,84$, cui addendo gradus duos, summa $29,84$ minor est quam 30 ; & si multiplicetur differentia $0,16$ per $6,3$ (nam $L - \cos BQ$ est ad L ut 1 ad $6,3$ ferè) fiet $1,008 = Qq$; adeoq; hic arcus a BQ subductus dat $Bq = 28,982$: Ut vero corrigatur Bq , assumo secundo $BQ = 29^\circ$, & simili processu inveniatur $Bq = 28,9672$.